

2. Ե. ՀԱՅՐԱՊԵՏՅԱՆ

Վ. ՏՆՐՅԱՆԻ ՔՆԱՐԵՐԳՈՒԹՅԱՆ ՈՃԱԿԱՆ ՄԻ ՔԱՆԻ ԱՌԱՆՁՆԱՀԱՏԿՈՒԹՅՈՒՆՆԵՐԻ ՄԱՍԻՆ

Վահան Տերյանի քնարերգության մեջ մենք ունենդրում ենք «Թափառիկ երգչի երգը ցավագին», նրա «անանց հուսահատության երգը», զգում «անապավեն ու մոլոր կյանքի» կսկիծներն ու մրմուռները, բայց և միաժամանակ տեսնում ենք ժողովրդի փրկության «Արևածագը», զարթոնքն ու մարտական ոգին, և անժայր գիշերների մոռյլ խավարից ու մշուշներից մեր առջև հառնում է «Վերադարձ»-ի լուսավոր ուղիներով դեպի կյանք ու պայքար ընթացող խանդավառ բանաստեղծի կերպարը: Գեղարվեստական արտահայտչական ձևերի բազմազանության և քնարական գունեղ ոճի շնորհիվ մենք ասես ականատես ենք լինում մենության սառը շունչն զգացող, «անպատմելի վշտով լցված» և «խենթ անկումի գերեզմանի խավարներում» գտնվող բանաստեղծի անուրջների մահվան մոռյլ հանդեսին: Սակայն դա իր հայրենիքի միացող վերքերի ցավով տանջվող քնարերգուի հոգեկան ու կենսական վերածննդին նախորդող մի դժնի պահ է միայն, որից հետո նրա հոգում արձագանքում են անձնուրաց կռվի կոչերը, ազատության մարտիկների հզոր ոտնաձայները, և բանաստեղծ-քաղաքացին բոլորանվեր կերպով ղինվորագրվում է ժողովրդի ազատագրության մեծ պայքարին:

Գեղարվեստական նրբերանգներով ու հնարանքներով հարուստ իր լեզվով ճշմարտացիորեն վերարտադրելով մարդկային հոգու մակրնթացություններն ու տեղատվությունները՝ քնարերգուն մեծ վարպետությամբ ոչ ոեղեթ արտահայտչականությամբ կարողանում է գեղարվեստորեն ցուցադրել ներքնաշխարհի ամենախոր գաղտնալանները:

Մեծ քնարերգուն իր ստեղծագործական ակտիվում եղած բոլոր միջոցներն օգտագործում է ներքնաշխարհի ամենաբարդ հուզավիճակները նրանց դինամիկ ամբողջականության մեջ ներկայացնելու համար:

Փոխարերությունների ամենալայն կիրառմամբ հայ բանաստեղծական լեզուն հարստացնելով հանդերձ՝ Տերյանը գունագեղ արտահայտչությամբ վերարտադրում է իր ապրումներն ու տրամադրությունները: Արտահայտչական հնարանքների կիրառման վարպետությամբ նա ոչ միայն պատկերավորություն ու գեղարվեստական շունչ է հաղորդում քնարական խոսքին, այլև տալիս է նկարագրվող միջավայրի առարկաների ու երևույթների շեշտված գնահատականը:

Տերյան-քնարերգուի խառնվածքային այս բոլոր գծերն ակնառու կերպով երևան են գալիս՝ և՛ մակդիրներում, և՛ համեմատություններում, և՛ մետաֆորներում, և՛ այլ փոխարերությունների ու պատկերների մեջ (շնչավորում, անձնավորում և այլն):

Վ. Տերյանի բանաստեղծական լեզվի հարստությունն են կազմում գունեղ մակդիրները, որոնք լեզվի գեղարվեստականության ու արտահայտչականության կարևորագույն գործոններից են: Նրա քնարական ստեղծագործությանը բնորոշ է այնպիսի մակդիրների հաճախակի գործադրումը, որոնք խորապես պատճառաբանված են քնարերգական թեմայով և մեղմ-հուզական իրավիճակով:

Բազմերանգ ու բազմանշանակ մակդիրներով Տերյանն արտահայտում է հերոսի կամ զրուցակցի գործողությունները, արարքները, նրանց հետ կապված դեպքերը, իրադարձությունները:

Առանձնակի արտահայտչական թարմություն են մտցնում ժողովրդական մակդիրները:

Օրինակ՝

Անտրտունջ է լալկան ուռին,

Ուռին առվի եզերքում...

(Վ. Տերյան, Երկերի ժողովածու, 1950 թ., հ. 1, էջ 162)¹:

Սև օրերս այրեցիր

Գեղեցկությամբ ու սիրով... (էջ 196):

Որոշ մակդիրներ վառ և գունեղ կերպով կենդանագրում են նկարագրվող առարկաները:

Օրինակ՝

Մայրս ուներ ձեռներ բառակ,

Մովե մատներ երկառ ու նուր... (էջ 285):

¹ Հետագա բոլոր մեջբերումները կատարված են նույն հրատարակությունից:

Ռաբակիբան նաիրուհին ինձ ժպտաց,
նաիրուհին տխուրացաւ և համեպտ... (էջ 300),
նա ունեւ խորունկ երկնագույն աչքեր,
Քնքուշ ու տրտում, որպես իրիկուն... (էջ 8):

Ինքնամոռացութեան պահերը նկարագրելու համար բանաստեղծը կիրառում է հիացական մակդիրներ:

Օրինակ՝ Դյութեցին ինձ քո մազերը ւլեծածան
Յվ աչքերիդ խորութիւնը խորախորհուրդ... (էջ 70),

Արտաքին տպավորութեան գնահատականը սովորաբար տրվում է «լուսեղեն», «հրաշք» և այլ մակդիրներով: Ներքին հոգեկանի գնահատականը տրվում է «ամոքիչ» և այլ մակդիրներով:

Բանաստեղծության մեջ արտահայտված իրականության սահմանները հաճախ տատանվում են գիտակցության ու երազի միջև: Օրինակ՝ Իրիկնաժամի կիսախավարում,

Կապույտ լույսերի ցուքերում ճոճուն,
Հայտնվում է նա, մեղմագին փարվում,
Գունատվում է լուռ ու էլ չի շնչում... (էջ 183)

Երազի և քնարերգական այլ թեմաների մեջ բացահայտվում է ապրումների ու զգացումների ներքին խորհրդավոր աշխարհը, որին ներդաշնակում են քնարական մեղմ տրամադրություն և անորոշ զգացումներ առաջացնող մակդիրները, ինչպես օրինակ, հեֆիսթային առօրյա, խորհրդավոր գիշեր, ոչ-երկրային արեւոցներ, խորհրդավոր արջալույս, հեռավոր երազ, ցնորք, անուրջ, կախարդական շղթա և այլն:

Տերյանի գեղարվեստական ոճի մեջ ցայտուն կերպով գծագրվում են անսահմանություն արտահայտող մակդիրները՝ անհուն, անունը, անհաս, անհայտ, անվերջ, անսահման և այլն:

Օրինակ՝ Օ, անհուն գիշեր, քեզ ո՞վ է փռել... (էջ 116)

Անհաս ցնորք իմ հոգու... (էջ 125)

Զգալի կիրառություն ունեն ինչպես ան, այնպես և չ, դժ ժխտական նախածանցներով կազմված ածականները և բայերով կազմված որոշիչները:

Օրինակ՝ Երեկոն վառեց լույսեր դժգունակ... (էջ 44)

Չարտասանված տխուր խոսքեր... (էջ 11)

Բանաստեղծն առանձնահատուկ սեր է տածում դեպի հուզական մակդիրները:

Օրինակ՝

Քնքուշ դու, լուսե աղջիկ ես,
Արտո՛ւտ ես, ոսկե թռչնակ ես... (էջ 262)

Արդյոք ո՞վ գիտե անունըդ անուշ... (էջ 77)

Իր հուրը վառեց պայծառ մի կարոտ... (էջ 207)

Մի քաղցր վիշտ է մեղմաբար խոսում... (էջ 117):

Մակդիրների առատությունը Տերյանի բանաստեղծական լեզվին հաղորդում է առանձին պատկերավորություն, դրամատիկական շունչ, որոնք ուժեղացվում են շարահյուսական բարդ կազմությունների մեջ մեծ արտահայտչություն ունեցող տրամաբանական շեշտերով: Քնարական ապրումը, որը հանդես է դալիս որպես հոգեկան աշխարհի լրիվ արտացոլման կոնկրետ պատկեր, լիովին արտահայտվում է բանատողի մեջ: Շնորհիվ հուզական ինտոնացիայի, բառակրկնությունների, բացականչությունների, հարցումների և այլն, ստեղծվում են ներդաշնակ ռիթմ և հուզական բարձր լարում:

Համեմատությունները կազմում են Վ. Տերյանի բանաստեղծական ոճի բնորոշ գծերից մեկը: Այդ համեմատություններից են կցական համեմատությունները, որոնց գործածությունը Տերյանի ստեղծագործության մեջ յուրահատուկ բնութք ունի և տարբերվում է նրա նախորդների կիրառած կցական համեմատության ձևերից: Բանաստեղծության տներում նրանք առաջ են բերում հավասարեցման զուգահեռականություն (պարալելիզմ), որը բաղկացած է խիստ հատկանշական արտահայտչություն ունեցող երկու իմաստակից զուգաշարքերից: Կցական համեմատության մեջ հավասարեցումները միմյանց հյուսվում են ոչ թե իրային-տրամաբանական կապով, այլ միայն նախորդող կամ հաջորդող պատմողական հենքի վրա: Կցական համեմատության միջոցով բանաստեղծը հաճախ տալիս է մարդկային կյանքի ու բնության զուգահեռականությունը, որը ներքնապես խոր կերպով պատճառաբանված է քնարական մտահղացման նրբազեղ բնույթով:

Օրինակներ՝

Եվ ինչ որ կար չար, ատելի ու վատ—

Անցել է, որպես մշուշը սարից.

Այդպես հոգին է բացվում անաղարտ,

Թափելով աղտն ու ծնվելով նորից (էջ 358):

Ես դեռ պատանի սիրեցի քո խիստ

ծուրտ, հյուսիսային մտազուսպ լեզուն,

Եվ տեսա՝ որքա՛ն ահեղ է կիզում

Կրակը թաքուն տողերից հանգիստ:

Այդպես ավերում իր կանաչանիստ

Իմ հեռու երկրում Արազն է հոսում,

նվ ալնպիս, ալնպիս հանդարտ է խոսում,

Թաղած իր խորքում մրրիկն անհանգիստ (էջ 374):

Բանաստեղծի՝ նմանական զուգորդությամբ կատարած համեմատությունները համապատասխանում են բանաստեղծության ընդհանուր քնարական տրամադրությանը և ծառայում են երկի ներքին-գեղարվեստական առաջադրանքին: Նրանք վերցված են բնությունից կամ հենց նույն քնարերգական միջավայրից, որի մեջ գրողն ընկնում է համեմատվող առարկան կամ երևույթը: Սակավադեպ են միևնույն միջավայրի առարկաների ու երևույթների համեմատությունները միմյանց հետ: Հոգեկան աշխարհի երևույթներն ու առարկաները համեմատվում են մեծ մասամբ բնության առարկաների ու երևույթների հետ:

Մարդու ներքնաշխարհի և բնության զուգընթաց նկարագրությունը տրվում է ալնպիսի գունեղ բառերով ու արտահայտություններով, որ զգացվում է բնության և մարդու սրտի յուրաքանչյուր քաբախումը:

Համեմատությունների ցայտուն զուգահեռականությունները «տեղծում են կոմպոզիցիոն համաներդաշնակում, սյուժետային կուռ միասնություն ու հետևողականություն, որոնց շնորհիվ աճում է գեղարվեստական երկի հուզական ներգործությունը:

Այսպես, օրինակ, «Հրաժեշտ» բանաստեղծության մեջ՝

Դու գնում ես՝ չգիտեմ ուր,

Հուռ ու տխուր,

Հեզ գունատվող աստղի նման:

Ես գնում եմ տրտռոմ-մենակ,

Անժամանակ

Մաղկից բնկած թերթի նման... (էջ 7):

Համեմատությունները հիմնվում են բնության, քաղաքային և այլ պեյզաժների վրա և նշում առարկաների, իրերի, մարդկանց, երևույթների անսպասելի նմանությունները (համընկնումները): Նրանք նկարագրությամբ հաղորդում են գունագեղ պատկերավորություն:

Անսպասելի համեմատություններն ուժեղացնում են բանաստեղծությունների ներգործությունը, ապրումների, հույզերի արտահայտությունը:

Օրինակ՝ Մուսլ թաղումի ջահերի նման

Մեկը աստղերն է վառում տխրությամբ... (էջ 69):

Համեմատությունները շատ անգամ ծառայում են որպես անցում՝ իրերի, առարկաների նկարագրությունից դեպի հոգեբանական

բարդ ապրումների նկարագրությունը, կապված սյուժետային իրա-
դրությունն այս կամ այն հատվածի հետ: Այսպիսի դեպքերում հա-
մեմատությունը դառնում է նկարագրական և կազմակերպական մո-
մենտ: Օրինակ՝

Մեղմ գիշերի գեղազանգուր երազում՝
Այն աստղերը, որպես մոմեր սրբազան,
Առկայծում են կարոտագին, երազում՝
Հավերժաբար իրար կապված և բաժան...

Սա ու դու էլ շղթայված ենք իրարու,
Կարոտավառ երազում ենք միշտ իրար,
Միշտ իրար հետ, բայց միշտ բաժան և հեռու,
Աստղերի պես և հարազատ, և օտար... (էջ 33)

Մոտեցած երկնից աստղերը պայծառ
Ժպտում են խաղաղ քո աչքերի պես.—
Իմ չքված սրտի կարոտը անծայր,
Ամեն ինչի մեջ որոնում է քեզ (էջ 16):

Այս համեմատություններն զգալի չափով տարբերվում են սովո-
րական արտաքին համեմատություններից:

Արտաքին և ներքին համեմատությունները Տերյանի բանաս-
տեղծությունների մեջ երբեմն համադրվում կամ ձուլվում են, հան-
դես գալիս միասնաբար:

Օրինակ՝ Ամպերը ճերմակ երամով անցան,
Թռչունների պես,— լուսեղեն երազ,—
Դու ես, որ դարձյալ ժպտացիր անձայն
Քո հեռու հեռվից, անհայտ ու անհաս... (էջ 201)

...Եվ որպես վճիտ լճերն են ցուլում
Ճրտում աշնային — մշուշների տակ,
— Դու էլ, սիրտ, մնա հարուստի գալուն
Տրտմությամբ անշար, և՛ խոր, և՛ հստակ...
Կանցնեն հուշերդ — մշուշների պես,
Կգա խնդրություն — խոր ու անարատ,
Կցրե մեզն ու կզարդարե քեզ —
Որպես երկիրն իմ — արեգակն առատ... (էջ 99)

Մավալուն համեմատությունները հանդիպում են գերազանցա-
պես այն բանաստեղծություններում, որոնք մեծ մասամբ գրված են
ազատ ոտանավորների ձևով, ազատ չափով (առանց և այլն):
Ստեղծվում է մարդու և բնության, ներքին և արտաքին աշխարհ-

ների միաձուլլ պատկերը, որը հիմնականում ծառայում է բանաստեղծի մտահղացումը լրիվ արտացոլելու և ուժեղ արտահայտչական միջոցներով այն մարմնավորելու համար, նվ արդարև, բանաստեղծին հաջողվում է հոգեկան և նյութական աշխարհների կոնկրետ-զգացողական ձևերի նուրբ համադրությամբ լիովին բացահայտել իր ապրումը:

Բերենք օրինակներ՝ Քար վեր իմ սրտում, և ծա'նր, և ցո'ւրտ,
նվ աշխարհն էր քար՝ սառն ու անխորհուրդ...
Երկինքն էր լալիս պաղ արցունքներով,
լալիս վի ես մերժված ու խռով... (էջ 148)
նվ գեղեզմանի խորշը ցրտաշունչ
Անուշ թվաց ինձ,
Որպես մայրական գիրկը սրտամոք
Պայծառ օրերում,
Որպես հեռավոր երկրում մոռացված,
Մայրական երգի սիրով օրորվող
Թովիշ օրորան (էջ 149):

Տերյանի քնարական ոճի մեջ մեծ դեր են խաղում շնչավորման և անձնավորման պատկերները: Բանաստեղծն իրեն հատուկ ջերմությամբ շնչավորում է բնության երևույթներն ու առարկաները՝ առավել զոճեղ ու պատկերավոր դարձնելով իր ապրումների նկարագրությունը: Բնության առարկաների ու երևույթների անձնավորման միջոցով ստեղծվում են գեղարվեստական երկի ընդհանուր ոգուն ձուլվող ցայտուն, տպավորիչ պատկերներ:

Օրինակներ՝ Սարի ետևում շողերը մեռան,
Անուշ դաշտերը պատեց կապույտ մեզ.
Տխուր երեկոն զարկել է վրան.
— Սիրտս կարոտով կանչում է քեզ՝ եկ (էջ 55):

Աստղերն են ժպտում լուսեղեն նազով,
հաղաղ դաշտերը մութն է համբուրում...
.
Մտեցած երկնից աստղերը պայծառ
Ժպտում են խաղաղ քո աչքերի պես... (էջ 16)
Հողմն է լալիս թփերում
Մերկ ու վտիտ... (էջ 111)
Ամպոտ երկինքը մեռած լույսերի
Թաղումն է սգում... (էջ 47)

Մետաֆորների առատությունը Վ. Տերյանի բանաստեղծությունների մեջ պայմանավորված է նրա ստեղծագործական մտահղացումների նրբազեղ բնույթով: Բանաստեղծը լայնորեն կիրառում է տեսողական, լսողական, շոշափական, շարժման, հուզական, մտավոր, կամային և այլ պատկերներ, որոնց տարրեր կողմերը գտնվում են փոխազդեցության մեջ և ունեն մետաֆորական կամ մետոնիմիական կազմություն: Նրանք երբեմն հաջորդում են միմյանց և փոխանցվում մեկը մյուսին՝ ստեղծելով հուզական գունեղություն և բազմազանություն:

Պարզ ջրի վրա եղեգը հանդարտ
Անդողողոջ կանգնած է՝ լ չի շշնջում,
Լռին խոկում են երկինք, գետ ու արտ,
Եվ ոչ մի շարժում, ու ոչ մի հնչյուն... (էջ 3)

Հեռավոր մարդոց ցավերը կզգամ,
Կարկաչող ջրի լացը կլսեմ.
Հողը կգրկեմ, ջերմ կհեկեկամ,
Վառ աստղերի հետ անուշ կերազեմ... (էջ 49)

Գիշերվա հովն էր լալիս դաշտերում,
Մութ հեռաստանն էր դժկամ նայում ինձ... (էջ 19)
Արիացիր, սիրտ իմ, ե՛լ հավատով տոկուն,
Կանգնիր հպարտ, որպես լույս, լեռն է մեր կանգուն...
(էջ 321):

Մետաֆորական պատկերները ոճական խոշոր դեր են խաղում Տերյանի ստեղծագործության մեջ՝ արտահայտելով առարկաների ու երևույթների բանաստեղծական որոշակի կենդանությունը, քնարերգական հերոսի ապրումների ու տրամադրությունների հուզական նրբազեղությունը: Մետաֆորները Տերյանի ստեղծագործության մեջ հատկանշվում են ներքին-զգացողական արտահայտչականությամբ և գեղարվեստական ներթափանցման ուժով: Բարդ իրադրությունների մետաֆորական նկարագրությամբ խոսքի արվեստագետն արտացոլում է ներքին ու արտաքին իրականությունը և նրանց միջև եղած փոխադարձ իմաստային կապը, ինչպես, օրինակ, հետևյալ բանաստեղծների մեջ.

Ջրերը մեղմիվ երգում են օբոր,
— Սիրտ իմ, հանդարտի՛ր... (էջ 115)
Երգում է քամին, լալիս է նորից,
Անհույս ու անվերջ մզկառում է նա.—

Այս մութ գիշերում աթոռանկա թախիծ,

Այնքան տրտունջ ու գանգատ կա հիմա... (էջ 131)

Ինչպես տեսնում ենք, բանաստեղծը մի առարկայի հատկանիշը վերագրում է մի այլ միջավայրի առարկայի և այգպիսով, միջնորդված նկարագրության միջոցով հաղորդում ամենանուրբ և լարված ապրումներն ու զգացումները: Վերջիններս հաճախ տրվում են հուզական պատկերների, հարցումների ու բացակա շուրջընկերների ղուգակցումով:

Այսպես օրինակ՝

Խորհրդավոր է երկինքն երազում.

Վարսաթափ ուռի, դողդոջո՞ւն եղեգ.

Արծաթ խոսքերով աղբյուրն է խոսում.

— Մի՛րա կարոտով կանչում է քեզ՝ եկ...

Ծաղիկներն ահա քնքուշ փակվեցին,

Բացվեցին երկնի ծաղիկներն անհաս.

Սև տազնապները իմ սիրտը լցրին.

— Արդյոք ո՞ւր ես դու, իմ անուշ երազ... (էջ 55)

Իր հոգու ներքին հարուստ բովանդակությամբ արտահայտելու համար բանաստեղծը երբեմն դիմում է վերացական մետաֆորների

Հարուստ է պոետն աթոռան

Երկրի մթին բանտում...

Չունի և պարսից արքան,

Որքան պոետն անքում... (էջ 247)

Հեռավոր, անել լեռնագագաթներ,

Պայծառ առևի գահեռ հիասքանչ,

Սիրտս մեռնում է, լեռնագագաթներ,

Ներքեում նիրհող դաշտերում կանաչ... (էջ 53)

Բառերի մետաֆորական կիրառություններով Տերյանը միմյանց է մոտեցնում ամենատարբեր երևույթները, հատկանիշներն ու գործողությունները՝ ետ մղելով իրերի շարժման օբյեկտիվ հատկանիշները:

Հեռու երկրի լուսե հովտում

Օրերն ուրիշ երգ են հյուսում... (էջ 80)

Մեզն է գրկում ինձ, հողմն օրորում... (էջ 348)

Խաղաղ դաշտերը մութն է համբուրում... (էջ 16)

Բանաստեղծը մետաֆորի արտահայտչական հնարանքն օգտագործում է գլխավորապես իր քնարական մտահղացումն ավելի ցայ-

տուն կերպով շեշտելու և ընդգծելու համար։ Ուժեղ արտահայտչության և հուզական աստիճանավորման շնորհիվ ստեղծվում է պաթետիկ-խոռվահույզ տրամադրություն՝ համաներդաշնակելով բանաստեղծության սյուժետային զուգահեռագծերին։

Վահան Տերյանի ստեղծագործական-քնարերգական խառնըվածքն ամենաբնորոշ կերպով արտահայտվում է հակադրությունների (անտիթեզ) մեջ, որոնցով չափազանց հարուստ է ողու մեծ քնարերգակ լերմոնտովի ստեղծագործությունը։ Տերյանը մեզ մոտ նույն դերը խաղաց մեծ վարպետ Իսահակյանի հետ միասին, ինչ որ լերմոնտովը՝ ողու քնարերգության մեջ։ Ինչպես լերմոնտովի, նույնպես և Տերյանի ստեղծագործության մեջ հակում է նկատվում հոգու աշխարհը տալու յուր ամբողջությամբ՝ յուր ողջ հակասական էությունը, Հայտնի է լերմոնտովի «Առաքաստ» բանաստեղծությունը, որը քնարական հակադրության լավագույն մի նմուշ է։ Տերյանը մեծագույն չափով սովորեց եղբայրական ողու ժողովրդի գեղարվեստական խոսքի վարպետներից և մեր գրականության մեջ զարգացրեց ողու առաջավոր գրականության լավագույն տրադիցիաները։ Նա ստեղծեց այնպիսի հակադրություններ, որոնք բացահայտում են սուր-հոգեբանական մոմենտներ։

Ես ու ղու էլ շղթայված ենք իրարու,
Կարոտավառ երազում ենք միշտ իրար,
Միշտ իրար հետ, բայց միշտ բաժան և հեռու,
Աստղերի պես և հարազատ, և օտար... (էջ 33)

Տերյանի ստեղծագործության մեջ առանձնապես բնորոշը ունեցող բովանդակություն ունեցող հակադրություններն են, որոնց միջոցով արտահայտելով դեմոկրատական մտավորականության իդեալներն ու մտորումները և ժամանակի առաջավոր գաղափարախոսության որոշ մոմենտներ՝ նա բոլորակյան ջերմ շնչով պայքարում է տիրող ռեակցիոն կարգերի, հակառակույցի ուժերի դեմ։

Այսպես, օրինակ՝

Մահու պես դաժան ձմեռն է իջել,
Մարել են, մեռել — երգ, ծաղիկ ու բույր.
— Դու քար ցրտում էլ, ձյունների մեջ էլ,
— Հավետ կենդանի, կարկաչո՞ւն աղբյուր... (էջ 87)

Նոր օր է բացվում ազգերի համար,—
Իմ հայրենիքում տիրում է գիշեր,
Իմ հայրենիքում անթափանց խավար.
Զարթե՛ք, վե՛ր ելե՛ք, կենդանի ուժեր... (էջ 322)

Որոշ բանաստեղծութիւններում տրվում են սոցիալական ներ-
հակ խմբավորումների և նրանց շահերի սուր հակադրութիւնը,
քախման որոշ մոմենտներ և ռեւոլյուցիոն պայքարի կոչ:

Օրինակ՝ Արեւն արթնացավ, արեւը մեզ ինչ,
նա մեզ չի բերում իր ջողերը ջինջ,
Մեր վրա մռայլ կամարն է հեգնում,
Անսիրտ մեքենան ելնում ու ընկնում:
Գիշերն է իջնում հեզ ու հանդարտիկ,
Գազանն է ննջում, ննջում են մարդիկ,
Անվերջ կարիքն է մեր դուռը բախում,
Սովից մեր հոգնած սիրտը նվաղում:

Անվերջ աշխատիր, տանջվիր անդադար,
Ու աշխատանքըդ ուրիշի համար,
Բավական է, վերջ. մենք էլ չենք ուզում
Սիրո երգ, անդանք, վայելք ու հուզում,
Կեր կաց, իմ ընկեր, վե՛ր կաց, մուրճդ առ,
Նոր կյանք, նոր վայելք կռենք մեզ համար... (էջ 104)

Արձագանքվում են ամեն կողմերում
Մեր խրոխտ կանչի երգերը հզոր,
Վերջին տրտմության գիշերն է այսօր,
Մենք ձեր մութ կյանքին լույսեր ենք բերում...
Սե քաղաքներում գիշերն է ջնջում,
Տանջանքն է սողում սև օձի նման,
Մեր ամբողջ կյանքը տանջանք է միայն,
Մենք չենք տրտնջում, իրար ենք կանչում:
Մենք ձեռք ենք մեկնում, կանչում, ականջում,
Մեր ընկերներին՝ պայքարից հոգնած,
Լեր ընկերներին՝ մռայլում քնած,
Վերջին զայրույթի զանգն է ղողանջում... (էջ 331)

Ռեալիստական խոր շնչով են տոգորված և զեղարվեստական
մեծ ճշմարտացիությամբ օժտված Վ. Տերյանի այն բանաստեղծա-
կան հակադրութիւնները, որոնք գրված են ռեւոլյուցիայի տեղադր-
վության ջրջանում, երբ ինքնակալական սև ռեակցիան դաժան հաշ-
վահարդար տեսակ ռեւոլյուցիայի աներկյուղ մարտիկների հետ
նրանց անմեղ ու արդար արյամբ ողողելով ժողովուրդների բանտ
ցարական Ռուսաստանը և քշելով նրանց հեռավոր աքսորավայրերը:
Այսպես, օրինակ, «Աքսորավայրում» և «Նոկտյուրն» բանաս-

տեղծութիւններում ունեցող հայի երգիչը թանձր ու մոռալ գույն-
րով պատկերում է տիրող ծանր, կոշմարային իրականութիւնը, սա-
կայն խոր հավատով և լցված դեպի ունեցող հայի ապագան, դեպի
նրա հաղթութիւնը և հուսովառ սպասում է ազատութեան այգա-
բացին.

Լուռ է գիշերը: Սառուց է ու ձյուն...

Պաղ լռութիւնը մոռալ է ու շար.

— Զարթիր, ըղձալի գարնան շառաշուն,

— Պայթիր, փոթորիկ, կարող ու պայծառ:

Լուռ է երկիրը: Երկինքը ամպոտ.

Մեկը թախծագին նայում է հեռուն,

Մեկը կանչում է՝ «Զարթիր, առավոտ»,

Ու շղթաներով աղմուկ է հանում...

Ու մի արձագանք... գիշեր է ու ձյուն...

Հանգիստ ննչում է մոռալ շրջական,

— Շողա, վրեժի մահաբեր դաշույն,

— Հնչիր, փոթորիկ ժողովրդական... (էջ 103)

Տերյանն ունի հաջողված ներքին-քնաբերական հակադրու-
թյուններ, օրինակ՝ հեռավոր թագուհու և մոլորված ճամբորդի թե-
ման: Այսպես՝ «Մոռացած ուղի» բանաստեղծութեան մեջ.

Հեռու դղյակի քնքուշ թագուհին

Մաղիկների մեջ, լուսեղեն այգում

Շրջում է և ինձ կանչում է կրկին,

Տերեկը տրտում, գիշերը անքուն

Հեռու դղյակի քնքուշ թագուհին:

Հիմա չգիտեմ այն լուսե ուղին,

Բայց զգում եմ դեռ, զգում եմ՝ ինչպես

Հեռու դղյակի քնքուշ թագուհին

Կանչում է ինձ միշտ, կանչում է, բայց ես

Արդեն չգիտեմ այն լուսե ուղին... (էջ 110)

Մի այլ օրինակ: Բանաստեղծը գտնվում է խավար անդունդի
մեջ, իսկ հեռավորը՝ լուսավոր աշխարհում.

Նս ընկա անդունդները խավար,

— Իմ ցնորք, նորից քեզ եմ կանչում.

Մոռացա ուղիներս պայծառ,

Իմ սրտում դառը մութն է ջնչում:

Ի՞նչ անմութ աշխարհում ես ապրում,
Հիշի՛ր դու խավարում տանջվողին,
Քո սրտում արևներ են վառվում,
Արևի՛ր սև կյանքիս մութ ուղին:

Հավիտյան ինձ քո սերն է այրում,
Դու լուսե՛ղ... Ինձ խավարն է ճնշում,
Ես մեռնում եմ այս մութ վիհերում...

Հեռավո՛ր, քեզանից չեմ տրտնջում... (էջ 15)

Այս հակադրությունները պատկանում են Տերյանի ստեղծագործության վաղ շրջանին: Նրանցում, ի տարբերություն ռևոլյուցիոն բովանդակություն ունեցող հակադրությունների, տրված են բանաստեղծի հուսալքումն ու հոգեկան տվայտանքները՝ պելյաժի մոտյլ գույների ֆոնի վրա, որն ավելի է խտացնում ներքին խավարը: Սիրած ագչկա լուսեղությունը հակադրված է շրջապատում տիրող գիշերին և նրա հոգում նստած անթափանց խավարին: Եղբերգական բնույթի հակադրություններում գեղարվեստորեն մարմնավորելով պատկերների սուր հուզական բախումները և առաջացնելով դրամատիկական ուժեղ լարում, Տերյանն առանձնահատուկ նրբազեղությամբ բացահայտում է ռեալ դրությունների ու գործողությունների հակադրությունը:

Երբեմն հակադրությունների միջոցով բանաստեղծի քնարերգությունն արտահայտում է ներքին ու արտաքին աշխարհների միջև եղած հակասությունները:

Այսպես, սրինակ՝

Պայծառ են աստղերը,

Աստղերը ջղուն են,

Սրտում իմ ըստվեր է,

Խավար է հոգում իմ... (էջ 55)

Որոշ հակադրություններ, կոնտրաստային մետաֆորների միջոցով տալով բանաստեղծական մտահղացման նրբությունները՝ խոր կենսով արտացոլում են բանաստեղծի ներքնաշխարհը:

Օրինակ՝

Արեգակն ինձ շայցելեց խուցիս մեջ մթին,

Եվ երգերը մայիսյան չհասան ինձ, չհասան,

Քո ծիծաղը կարկաչուն հնչեց իմ սրտին,

Եկա՛ր անուշ, որպես երգ պայծառ մայիսյան...

Տես՝ ինչպե՛ս եմ հոգնել ես այս գրքերից հին ու նոր,

Խոսքերից այս իմաստուն, գիտուններից բյուր:

Ժպտա՛, անգին, ժպիտդ՝ խոր գրգռից խոր,
 Խնդությունըդ՝ ամոքիչ, զրույցըդ՝ աղբյուր... (էջ 336)
 Ողջո՛ւյն նորից ու նորից, նո՛ր խնդություն, նո՛ր թախիծ,
 Եվ առավոտ անստվեր, և մեջգիշեր սևավոր:
 Մի՛րտ իմ, բաց ես աշխարհի և շարի դեմ, սիրտ իմ՝ բա՛ց,
 Աշխարհն՝ արև, աշխարհն՝ ամպ, սի՛րտ, աղբյուր ես դու զուլալ:
 Վիճակված է հնչել — երգով խնդալ, երգով լալ:
 Ու խնդում է լացդ պարզ և խնդումդ՝ լացի պես... (էջ 253)

Վ. Տերյանի ստեղծագործության մեջ լայնորեն սփռված են
 օկսյումորոնները, որոնցից մի քանիսը մոտենում են կատախրե-
 զային:

Այսպես, օրինակ՝

Տանջիր ինձ վերջին ֆաղցր տանջանքով... (էջ 184)

Միշտ նույն հուշն է, հուշը նույն

Զքնաղ, գերող և չկա

Նրա թույնից անուշ թույն... (էջ 255)

Սիրտս լցված էր կարոտով հստակ,

Անուշ ցավով ու երգերով իմ հին... (էջ 185)

Կա խորհրդավոր, դյուրաղ մի խավար,

Ուր բախտից ֆաղցր են տրտունջ ու տխրանք...

Մի ֆաղցր վիշտ կա անդարձ անցածում... (էջ 52)

Քաղցր սուտով կխաբես... (էջ 176)

Մեղմ կրակները ռսկե փռում

Իսկոն են ծպտում քեզ, հիվանդ մանուկ... (էջ 348)

Օրինակներից երևում է, որ նրանցում բերված մակդիրներն
 իմաստաբանորեն հեռու են որոշվող բառերից, և նրանց միմյանց
 հետ կապում է միայն բանաստեղծի երկակի մոտեցումը երևույթ-
 ներին ու առարկաներին, որի համաձայն նա առարկաներն ու երե-
 վույթներն օժտում է անհրաժեշտ-նոր գծերով, ըստ որում փր ուշա-
 դրույթով սեռեցնելով նրանց ոչ այնքան իմաստաբանական, որքան
 հուզական կողմի վրա: Բառերի այսպիսի առանձնահատուկ գոր-
 ծածոթյունների և հոգեբանորեն գիտակցված ու նպատակադրված
 պատկերների շնորհիվ առաջ է գալիս որոշակի տրամադրություն՝
 միջնորդված հուզական իրադրության պաթետիկ մոմենտներով:

Օկսյումորոնները արտահայտելով հոգեկան ապրումների,
 զգացմունքների հակասական բնույթը՝ տարբեր առարկաների ու
 երևույթների հատկանիշների մերձեցման ու համադրման միջոցով
 հանդես են գալիս հուզական ու իմաստային երկպալան արտահայտ-

չությամբ, որն ավելի ծավալուն և հարուստ է դարձնում բանաստեղծական պատկերների տարբեր կողմերի արտացոլումը:

Այսպես, օրինակ, հետևյալ բանատողերում՝

Հրաշք-աղբիկ, դո՛ւ, միշտ ճաղթող ու միշտ ճեզ... (էջ 37)

Կանգնել ես որպես անճաղթ ճրագույր,

Մոտեցար ահա կարող ու խոնարհ,

Մթնում բորբոքվեց մի արնոտ ճամբույր,

Մեղքի պես բովիչ, ցավի պես խելառ (Բանաստեղծություններ, 1940 թ., էջ 31):

Ինչպես տեսնում ենք, հակադրությունները Վահան Տերյանի բանաստեղծական լեզվի գեղարվեստականության ու արտահայտչականության կարևորագույն գործոններից են:

Այսպիսով, գեղարվեստական արտահայտչության ստեղծագործական-քնարերգական առաջադրանքը բանաստեղծն իրականացնում է տարբեր ձևերով ու եղանակներով՝ համեմատություններով, մետաֆորներով, մակդիրներով և այլ փոխաբերություններով և այլն:

Տերյանի քնարերգական ոճի զարգացման վերջին էտապն աչքի է ընկնում պատկերների բնորոշ խորացումով: Բանատողերի ու տների իմաստային և հուզական փոխկապվածությունն ու փոխադամանավորումը և փոխաբերությունները առաջացնում են բանաստեղծության կոմպոզիցիոն միասնություն: Հատկապես սերը, մահը, վիշտը և այլ երևույթներն ու զգացումները համապատասխանեցվում են բնության զուգահեռ, համընթաց կամ նմանեցված երևույթներին և սրանց հետ միասին արտացոլվում կոմպոզիցիված նկարագրության միջոցով:

Գարնան անուշ ծաղկանց պես, վարդերի պես հրահրուն,

Հողմով տարված հեռացան ու ինձ ոչինչ չմնաց...

Ձմեռ իջավ իմ գլխին, և ցուրտ, և խոր, և անդորր

Աղբյուրներս շորացան — ոչինչ, ոչինչ չմնաց

(Վ. Տերյան, Երկերի ժողովածու, 1950 թ., հ. 1, էջ 236):

Միտքն ու զգացմունքը բանաստեղծի երկերում կոմպակտ արտացոլում են ստանում շնչավորման մետաֆորների, համեմատությունների և այլ պատկերների ու փոխաբերությունների միջոցով: Պատկերների հակադրություններն ավելի ցայտուն են դառնում և ձեռք բերում ընդհանրացման ուժ՝ ներքին և արտաքին աշխարհների բախումները դրսևորելով կոնկրետ-զգացողական ձևերի մեջ:

Իր ստեղծագործության ռեկլյուցիոն շրջանում բանաստեղծը մշակում, զարգացնում ու հարստացնում է գեղարվեստական արտահայտչության՝ սիմվոլիզմին հակադիր նոր ձևեր: Տերյանը հրաժար-

վում է խոսքի արտահայտչության ու պատկերավորման ավանդա-
կան հնարանքների նվիրագործումից: Գաղափարների, մտահղա-
ցումների, թեմատիկայի փոփոխման հետ միասին փոխվում է նաև
համեմատությունների, մակդիրների, պատկերների ու փոխաբերու-
թյունների բնույթը՝ դուրս գալով նախկին ողմանտիկական շրջա-
նակներից և ձեռք բերելով ռեալ նկարագրության ուժ:

Г. Е. АЙРАПЕТЯН

О ФАКТОРАХ ХУДОЖЕСТВЕННОСТИ
И ВЫРАЗИТЕЛЬНОСТИ ЯЗЫКА
ЛИРИКИ В. ТЕРЯНА

Р е з ю м е

В статье дан общий анализ факторов художественности и выразительности языка лирики В. Теряна. Анализируются разновидности эпитета, сравнения, метафоры и других тропов и фигур. Всеми этими средствами Терян пользуется с большим мастерством, художественно иллюстрируя самые глубокие тайники внутреннего мира.

Обилие эпитетов придает поэтическому языку Теряна особую образность и мелодичность.

Сравнениями поэт проводит параллель между человеческой душой и природой.

Метафорическим применением слов Терян сближает самые разные явления и действия, отодвигая на задний план объективные признаки вещей. Метафорой поэт пользуется главным образом для четкого выявления своего лирического замысла.

Лирический темперамент Теряна самым характерным образом выражается в антитезах. Посредством антитез поэт дает полное художественное воспроизведение духовного мира человека со всеми его противоречиями. Среди антитез выделяются антитезы с революционным содержанием, которыми он борется против реакционного политического строя того времени. Поэт в своем творчестве художественно воплощает идею непобедимости революционных сил, борющихся за светлое будущее.

В лирике В. Терьана четко выделяются оксюмороны, которые выражают противоречивую сущность душевных переживаний человека; посредством сопоставления качественно различных признаков предметов и явлений, выявляется эмоциональная и смысловая двуплановость выразительности в лирике поэта.

Таким образом, В. Терьан осуществляет творческую задачу художественной выразительности разными тропами и фигурами, в которых отражаются все черты его поэтического темперамента.